



**“КЕЛИШИЛГАН”**

**Ўзбекистон Республикаси ёшлар  
спорт вазирлиги ва спорт вазирлиги ўринбосари  
Ш.Махмудов**  
” \_\_\_\_\_  
\_\_\_\_\_ 2023 йил



**“ТАСДИҚЛАЙМАН”**

**Ўзбекистон енгил атлетика  
федерацияси бош котиби  
К.Рузамухамедов**  
” \_\_\_\_\_  
\_\_\_\_\_ 2023 йил

**ЎЗБЕКISTОН RESPUBLIKASI “ДАВЛАТ БАЙРОҒИ  
КУНИ”ГА БАҒИШЛАНГАН “ЯНГИ НАФАС” ОММАВИЙ ЮГУРИШ  
МУСОБАҚАСИ  
НИЗОМИ**

**Тошкент 2023**

Мазкур байрам доирасида югуриш ҳаваскорлари, спортчилар, талабалар, ҳарбийлар ўртасида оммавий югуриш тадбири ўтказилиши режалаштирилган. Мазкур тадбирда барча югуриш ихлосмандлари бевосита фаол иштирок этишлари учун тегишли шарт ва шароитлар яратилиши зарур.

Ушбу югуриш тадбири нафақат ёшлар балки аҳолининг барча қатламлари учун ўтказилиши фуқароларимизнинг ўз соғлиқларига бўлган эътиборларини кучайтиришга, шунингдек соғлом турмуш тарзини кенг тарғиб қилиш ва маҳаллалар бўғинидан бошлаган ҳолда аҳолини бирдамлигини ошириш каби мақсадларни ўз ичига қамраб олади.

Мазкур Низом енгил атлетика спорт тури бўйича оммавий югуриш тадбирлари мақсади ва асосий вазифалари, спорт мусобақалари жараёнини ташкил этиш ва бошқариш, уларни ўтказишга раҳбарлик қилиш, уни молиялаштириш, шунингдек мусобақа ғолиб ва совриндорларини тақдирлаш тартибини белгилайди.

### **1-боб. Умумий қоидалар.**

1. Мусобақа жаҳон атлетикаси томонидан ўрнатилган қоидаларга кўра ўтказилади ва ҳакамлар томонидан баҳоланади. Мусобақани ўтказиш учун ҳакамлар таркиби Ўзбекистон енгил атлетика федерацияси томонидан тасдиқланади.

2. Мусобақада Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, мазкур Низомга ҳамда бошқа қонун ҳужжатларига амал қилинади.

### **2-боб. Мусобақанинг мақсад ва вазифалари.**

3. Юртимизда аҳоли, айниқса, ёшлар, ҳарбийлар ўртасида соғлом турмуш тарзини тарғиб қилиш учун зарур шарт-шароитлар ва инфратузилмани яратиш.

4. Мусобақанинг мақсади аҳолининг барча қатламларини жисмоний тарбия ва спорт билан мунтазам шуғулланишга жалб қилиш натижасида соғлом турмуш тарзини шакллантириш, енгил атлетика спорт турини аҳоли ўртасида оммалаштириш ва уни янада ривожлантириш, республикада енгил атлетика спорт тури бўйича спортчиларнинг маҳорати даражасини оширишдир.

5. Мусобақанинг асосий вазифаси ёшларни соғлом турмуш тарзига йўналтириш, маҳаллалардаги ёшлар ва нуронийларни оммавий тадбирларга жалб қилиш, ҳакамларнинг малакасини ошириш, ўтказиладиган мусобақалар давомида иштирокчиларни руҳлантириш ва байрам шукухини ёйишдан иборат.

### **3-боб. Мусобақани ўтказишга раҳбарлик.**

6. Мусобақани ўтказишга умумий раҳбарликни Ёшлар сиёсати ва спорт вазирлиги, Қорақалпоғистон Республикаси Вазирлар кенгаши, вилоятлар ҳокимликлари, Тошкент шаҳар ҳокимлиги, Мудофаа вазирлиги, Ички ишлар вазирлиги, Миллий гвардия, Фавқулодда вазиятлар вазирлиги, Олий таълим, фан ва инновациялар вазирлиги, Мактабгача ва мактаб таълими вазирлиги, Ўзбекнефтегаз АЖ, Миллий олимпия қўмитаси ҳамда бевосита раҳбарлик қилиш Ўзбекистон енгил атлетика федерацияси томонидан амалга оширилади.

7. Мусобақани ўтказишда ҳакамлар ҳайъати рўйхати бевосита федерация томонидан шакллантирилади. Ҳакамлар ҳайъати рўйхати Ўзбекистон енгил атлетика федерацияси буйруғи билан тасдиқланади.

8. Мусобақани адолатли ва шаффоф ҳолда ўтказилиши ҳакамлар ҳайъати зиммасига юклатилади.

### **4-боб. Мусобақани ўтказиш жойи ва муддати.**

9. Мусобақа 2023 йилнинг 19 ноябр куни Республикамизнинг 16 та (Андижон, Наманган, Фарғона, Нурафшон, Гулистон, Жиззах, Самарқанд, Термиз, Навоий, Бухоро, Қоровулбозор, Қарши, Ғуздор, Ҳива, Нукус, Тошкент) шаҳарларида ўтказилади.

10. Мусобақаларга барча шаҳарларда бир вақтнинг ўзида соат 08:00 да старт берилади.

11. Мусобақа амалдаги Жаҳон енгил атлетикаси қоидалари асосида ўтказилади.

### **5-боб. Мусобақада иштирок этиш шартлари.**

12. Мусобақада ёшлар, ҳарбийлар, маҳаллалардаги нуронийлар, уюлмаган ёшлар, ишчи ходимлар ва уларнинг оила аъзолари ҳамда барча хохловчилар иштирок этишлари мумкин. Мусобақада 9 ёшдан катта бўлган фуқаролар иштирок этишларига руҳсат этилади.

13. Мусобақада Қозғистон, Қирғизистон, Туркманистон ва Тожикистон давлатларидан 100 нафардан иштирокчи иштирок этишлари мумкин. Уларнинг йўл-кира, яшаш ва овқатланиш харажатлари Ташкилий қўмита томонидан қопланади. Ташкилий қўмита мазкур жамоаларнинг Тошкент шаҳрида 2023 йилнинг 17 ноябр санасидан 20 ноябр санасига қадар яшаш ва овқатланиш харажатларини қоплайди.

## **6-боб. Мусобақани ўтказиш шартлари.**

14. Мусобақани ўтказиш шартлари спорт турининг хусусияти, халқаро норма ва талаблардан келиб чиқиб белгиланади. Тошкент шаҳрида мусобақа ғолиб ва совриндорлари **MyLaps** электрон вақтни аниқлаш тизими орқали аниқланади. Мазкур мусобақаларнинг ғолиб ва совриндорларини аниқлашда **GunTime** вақтидан фойдаланилади.

15. Мусобақа ташкилотчилари томонидан мазкур тартибига ўзгартириш ва қўшимчалар киритилиши мумкин. **Мусобқаларда** барча хоҳловчилар иштирок этиши мумкин, масофалари вилоятларда **3KM**, Тошкент шаҳрида **10KM**, **3KM** масофа этиб белгиланади, унда харбий олий таълим битирувчилари, куч тузилмалари ходимлари иштирок этади. Ҳар бир куч тузилмалари ва олий харбий билим юртларидан 100 нафаргача қатнашчи иштирок этиши мумкин. Бундан ташқари **3KM** масофада барча хоҳловчилар иштирок этишлари мумкин.

16. **Тошкент** шаҳрида **3KM** (4500 нафар), **10KM** (1500 нафар) масофаларда, Нукус, Бухоро, Самарқанд, Фарғона, Наманган, Андижон, Нурафшон, Гулистон, Жиззах, Термиз, Навоий, Қоровулбозор, Қарши, Ғузур, Ҳива шаҳарларида **3KM** (2000 нафар) масофаларда ўтказилади.

17. Мусобақада иштирок этиш учун қатнашчилар сони Тошкент шаҳрида 6000 нафар (**3KM** 4500 нафар, **10KM** 1500 нафар)ни, шаҳарларда иштирокчилар сони 2000 нафарни ташкил қилади. Иштирокчилар сони маҳаллий ҳокимликлар ихтиёрига кўра кўпроқ бўлиши мумкин.

18. Мусобақа низомининг тегишли бандларига ўзгартириш ва қўшимчалар киритилган тақдирда, мусобақанинг бошланишидан 3 кун аввал мусобақа иштирокчиларига тақдим этилади.

## **7-боб. Мусобақада иштирок этиш учун талабнома (буюртма)ларни топшириш ва рўйхатдан ўтиш шартлари.**

19. Мусобақада Тошкент шаҳрида иштирок этиш учун, иштирокчилар **Iticket.uz** сайти орқали рўйхатдан ўтишлари лозим. **10KM** ва **3KM** масофада квоталар вазирлик ва идораларнинг талабномалари ва рўйхатлари асосида бепул тарқатилади. Қўшни давлатлар (Қозғистон, Қирғистон ва Тожикистон) вакилларига ҳам талабнома асосида бепул тарқатилади.

Тўлов бадаллари:

**3KM**га рўйхатдан ўтиш учун 99 000 сўм;

**10KM**га рўйхатдан ўтиш учун 149 000 сўм миқдорида бадал пули тўлашлари лозим.

Рўйхатдан ўтиш жорий йилнинг **25 – октябр** санасидан **16 – ноябр** санасига қадар **Iticket.uz** сайти орқали рўйхатдан ўтилади.

Иштирокчи пакети куйидагилардан иборат бўлади:

Футболка

Кепка

Кўкрак рақами

Тўғноғич

Иштирокчи пакетини олиш 17-18 - ноябр кунлари Ўзбекистон енгил атлетика федерацияси базасида амалга оширилади.

20. Мусобақада иштирок этиш учун спортчилардан жаҳон енгил атлетикаси қоидалари асосида енгил атлетика спорт турининг хусусиятларидан келиб чиқиб тиббиёт муассасасининг врачлари томонидан спортчининг мусобақада иштирок этишига рухсат берилиши (имзо ва муҳри билан тасдиқланган ҳолда) талаб этилади.

21. Мусобақада иштирок этиш учун талабнома спорт турининг хусусиятидан келиб чиқиб, мусобақа бошланишидан 1 кун аввал вилоят ёшлар сиёсати ва спорт бош бошқармаларига топширилади.

#### **8-боб. Мусобақани молиялаштириш манбалари.**

22. Мусобақа ўтказилишининг молиялаштириш шартлари:

- тадбирни ташкил этиш ва ўтказиш билан боғлиқ харажатлар (ҳакамларнинг харажатлари, ҳар бир иштирокчига иштирокчи пакети (футболка, кепка, халгача ва бошқалар), ғолиб ва совриндорларни тақдирлаш учун қимматбаҳо совғалар ва бошқалар) ташкилий кўмита ва ҳомий ташкилотлар томонидан қопланади.

- ташкилотчилар, ҳакамлар, кўнгилчилар, VIP меҳмонлар учун махсус формалар ташкилий кўмита ва ҳомийлар томонидан ажратилган маблағлар ҳисобидан қопланади.

#### **9-боб. Ўтирозлар.**

23. Ўтирозлар амалдаги мусобақа қоидалари асосида ҳакамлар ҳайъати томонидан қабул қилинади.

24. Ҳакамлар ҳайъати мусобақа давомида ва тадбир тугагунга қадар ишлайди.

#### **10-боб. Мусобақа ғолиб ва совриндорларини тақдирлаш.**

25. Тошкент шаҳрида ташкил этилган мусобақанинг ғолиб ва совриндорлари ташкилий кўмита ва ҳомийлар томонидан ажратилган маблағлар ҳисобидан совғалар ва кубоклар, яққалик баҳслари ғолиб ва совриндорлари (1 - ўрин 3 000 000 сўм, 2 - ўрин 2 000 000 сўм, 3 - ўрин 1 000 000 сўм) пул мукофотлари ва кубоклар билан тақдирланадилар.

26. Тошкент шаҳрида 10КМ масофада аёллар ва эркаклар ўртасида мутлақ биринчилик 1, 2, 3-ўринлар, ҳаваскор аёллар ва эркаклар ўртасида 1, 2, 3-ўринлар, 1988 йил ва ундан аввал туғилган аёллар ва эркаклар ўртасида 1, 2, 3-ўринлар, 1968 йил ва ундан аввал туғилган аёллар ва эркаклар ўртасида 1, 2, 3-ўринлар, Олий ҳарбий ўқув юртлари тарбияланувчилари аёллар ва эркаклар ўртасида 1, 2, 3 - ўринлар, ҳарбий ҳизматдаги аёллар ва эркаклар ўртасида 1, 2, 3 – ўринларни эгаллаган иштирокчилар мос равишда тақдирланадилар.

27. 3КМ масофада аёллар ва эркаклар ўртасида мутлақ биринчилик 1, 2, 3-ўринлар, ҳаваскор аёллар ва эркаклар ўртасида 1, 2, 3-ўринлар, 1988 йил ва ундан аввал туғилган аёллар ва эркаклар ўртасида 1, 2, 3-ўринлар, 1968 йил ва ундан аввал туғилган аёллар ва эркаклар ўртасида 1, 2, 3-ўринлар, Олий ҳарбий ўқув юртлари тарбияланувчилари аёллар ва эркаклар ўртасида 1, 2, 3 - ўринлар, ҳарбий ҳизматдаги аёллар ва эркаклар ўртасида 1, 2, 3 – ўринлар, “Энг ёш” ва “Энг ёши улуғ” аёл ва эркак иштирокчилар ўртасида ҳамда имконияти чекланган иштирокчилар ўртасидаги номинациялардан иборат.

29. Мазкур низомнинг 12-бандида кўрсатилган шартларга жавоб бермайдиган спортчилар совриндор сифатида тақдирланмайдилар.

#### **11-боб. Яқуний қондалар.**

30. Мусобақалар давомида ҳомийлар томонидан тақдим этилган совринлар номинациялар ҳамда салмоқли ҳисса қўшган ташкилий қўмита аъзоларига тақдим этилиши мумкин.

31. Тадбирда иштирок этувчилар сони оз бўлган тақдирда иштирокчилар учун берилиши белгиланган иштирокчи пакети (кепка, футболка ва бошқалар) келаси тадбирлар учун сақланиб қўйилиши, бошқа тадбирларда белгиланган иштирокчилар сони ортган тақдирда захирадагилари (олдинги тадбирдан ортган) бериб борилади.

**Ижрочи директор**



**Г.Хайрова**

**Ҳакамлар ҳайъати раиси**



**Х.Ортиқов**